

潘南詩初集

一
名
昭



潘南詩初集目錄

潘陽陶明澗犀然三十以前所作

卷一

古今體詩 一百十五首

卷二

古今體詩 三百二十八首

卷三

古今體詩 二十六首

卷四

古今體詩 三百零八首

卷五

古今體詩 三百八十七首

卷六

古今體詩 二百六十首

卷七

古今體詩 二百七十首

卷八

古今體詩 三百七十七首

卷九

古今體詩 一百七十六首

卷十

古今體詩 二百六十八首

潘南詩初集卷一

庚戌癸亥

瀋陽陶明濬犀然著

秋懷雜詩

盈盈白露零 嘒嘒鳴蜩響 不謂困鬱蒸 忽然逢蕭爽 安得登雲峯 更復窮沆漭 百年縱役役 天懷自開朗
凌晨電火息 曉色熒疏幌 蒼龍大角星 東方明三兩 顯軌轍 縱殊勤勞同 可想北窗且 高臥自謂羲皇上

龍性不可馴 本非伏轡姿 胡爲久寂寥 會合當有時 少年娛篇翰 苦嗜書與詩 豈敢學作者 令人誦
詒痴聊行心所安 不必求瘳瘳 區區工與拙 非吾心所期 俗士苦囂囂 達人獨悄悄 眞趣有所蘊 軒

然謝瞻眺 塵務碍人懷 繫情令人老 曲檻多涼颺 岐塗多泥潦 與其效奔趨 守津而據要 何如慕玄風 智
珠常皎皎 憂患吾故物 觸處而多有 知命初非他 逆來斯順受 外像笑單牛 內機笑張叟 冥筌未能

排虛空 無不朽 我今眞得悟 騰於佩瓊玖 石鼓雖鳴山 金精雖動宿 靈臺靜悄悄 蕭然無塵垢 古云

有四海 今云有五洲 渺然人一身 如芥坳堂浮 冷然空中賞 浩浩同虛舟 小天齊萬物 莊語初非偷 江海
同遭迴 雲濤任去留 不必記風土 不必成春秋 但將豁心目 四顧消我愁 盧敖向太清 造物與同遊

素秋白日馳 光景一何速 無怪萬古人 瞬息化陵谷 聲華隨遊塵 富貴如糞土 所以志士懷 別自有所主
梅生市門隱 韓公賣藥伍 問其胡爲然 蒼蒼在烟霧 秦王燒詩書 其亡可立待 掇拾灰燼餘 萬世空

感慨何如泥 迴經儼然焚 無壞煨燼不能侵 卷色何嘗改 牛弘敷五厄 此逃却灰外 要當奉正化 何心較
成敗 世界有終盡 劫火須同燒 會見昆明灰 積與青天高 帝王與卿相 何殊一鴻毛 至人明苦空 形

器何須逃我自識緣業方覺神理超遊方何浪志松菌漫相遭風物日緊淒大字何幽寥秋隨一葉下滿

耳聽蕭瑟

蟋蟀起幽唱大似勞人歌四序鱗相次何爲苦蹉跎仰看西去日復見東逝波秋花滿繁

囿斷雁橫曾阿讀書移宵日聊避憂患多可笑功名士峴崎磨魯戈何常造峯極四顧江與河意行所適所至無坡陀大笑問堯夫是否安樂窩

朝起心徬徨暮歸形踽踽高吟復長歌風雷走肺腑何當

南澗濱或者西山足茅屋築三間瑤琴歌一曲林木鬱蒼蒼排青成翠幄著書百餘卷言語多純樸開窗卽遠山疏泉聽鳴玉富貴如難期飄然徒吾欲

起陸足龍蛇人世苦征戰物滿天必概誰能絕憂患

何人造五兵作俑殊可厭不如返天和除去恩與怨有田本可耕有書本可看但使功德在千秋人自念

但使子孫賢何憂貧與賤所以古聖人短衣不掩胷嗽石枕泉流脩然與世遠巢由何往乎白雲令人羨

蕭然感秋心怛怛有所思庭花浥清露戎戎潤堂階徙倚增悵然中心有所違人生多榮遇畢竟有

危機而况繁華過不如劍首吹觥醵敗人意鵲鳩令物衰平生秉微尚自視固已微惟有慎令德昭文無

成虧

黠狐履機辟東西尚游敖長松鬱千尺亦復構檣巢材與不材間山木道殊高所以古聖人富

貴輕鴻毛或者甘披裘或者樂簞瓢

炎日烹晨尤蒸饑饉未散早起步庭除草樹綠在眼心期付渺

冥空秀無近遠迹高想與俱道我喧莫染莫謂行路難而嘆王路寤安得金爲葉好把塵盧鹽

塵思

不可屏愁懷方無端詩書情屢極慷慨激懦軀身世良不惡何爲阻且艱長嘯宇宙間智者安孤閒會合

本有時談笑安黎元空憐白壁辜莫謂青蠅冤虎豹橫九關不如安邱園

達人丁生死白日騰雲空

蕩蕩方寸間萬里橫星虹恍然神可接舉手與天通何必草真錄颺颺凌紫滌下視九萬里浩浩惟長風

皓手握紫芝青大騎白龍

心閒愁乃至萬慮生於靜信哉李生言處世若大夢魯人方享鷄楚人不

識鳳哀哉大化中何其愚者衆卉木感秋氣芳馨變淒警風飄暑日去餘光猶炯炯泉石自清華山雲自孤冷江山有文藻嘯詠發深省

無事知日長胡爲淹此留何常尋白石更欲息丹邱年阻思復滯道

修川更流所以知道士浩然乘虛舟汲汲常顧景歲月苦已適營營治以亂漸漸春復秋嘆息天地間誰則非蜉蝣

吾家有靖節渺然元古心五斗祿既辭五柳春復深藏身桃花源託意無絃琴千春自流

水悵望惟白雲清風洒六合高節何嶙峋賢者而後樂亂世空紛紜

列子鄭圃居革侯南浦逮素心

遊天和大福稱百順世間有真隱萬里猶爲近入獸羣不亂承劍目弗瞬無心計得失無時有喜愠何必營丹砂妄言託松園

莫言青雲近不見白日斜嚴關多虎豹大澤騰龍蛇七月正流火熱氣結紅霞

那堪爭戰士萬里飄風沙六龍何衙衙驪拂轉天車怨禽欲海填爲計初非耶是誰英邁子爲國甘忘家坐使六合內光明無纖瑕

平生頗有負命世輕豪雄豈無胸中畫濟世成奇功可恨古今人嘲弄羣

顛蒙以爲兒童劇奔趨徒熱中豈知屢蹉跎秋霜檻羊同何堪振頰波動光乘高穹

項王暗晤雄兵

勢風雨快一旦陷大澤甘受田父給孟德黠老狐雄心入荒外散粟對大江旌旗照雲海烈焰生舳艫轉續皆灰裹符堅百萬衆摧敗亦可怪八公草木兵五將威何在惟其有順逆所以爲成敗區區楚子玉持強能無殆

憎蠅

炎官火傘張鸞旂氣益旺青蠅乘之來其勢莫與抗古云止於樊今則入幃帳搖翅更醜扇難窮形與像

搏壁不能隔承塵亦可上或者排金門或者朽玉盎懷蛆輒自盈集矢則成謗餘腥既莫嫌殘瀝亦可養
營營竟終日擾擾備萬狀尋頭不肯寬撲面儼相掠引類呼其朋短兵忽相向閨宇不得清闔扇不能障
華棖不如避虹竿不能颺聚散何倏忽奔騰真放浪幸無蜂螫毒不無性命妨攻鑽以衆力合羣志司尙
窺覬過百端其謀未可諒養息易滋蕃莫萌滅族想其多旣難敵不須挾兵仗其居不一處何從施火場
有時集器血專能敗醢醬有時入瓶盎則難施七鬯平生利用貪不知齊得喪無端投熱羹更復從餽餉
沒溺所不免權以人腹葬欣然赴肉汁何心遊空曠九死不肯悔一得不肯忘嘗集未央宮漢祚爲振盪
有時止筆端則能回冤枉有時爲弔客似把忠義獎可笑庫狄氏枉加門者杖王思亦太急揮劍將臂攘
雖有雷霆威於君竟無恙青者善亂色蒼者聲雄壯草索功偶然臺葱效何儼敢汗平叔鼻不避莊子穎
百年鑽故紙書生同一樣適從何處來又向何處往元稹老方慴儒衡氣益王前足時相交人云絞繩象
後足則自扇居然通俯仰若遇段成式猝然批以掌儼逢梅堯臣吟哦更跌宕其飛不十步君莫笑伎倆
或附良驥尾天門行坦蕩爲技終么麼所行實謬妄得志竟幾時公然結朋黨秋風動地來側翅常怏怏
不如得露蟬高林出清響

驅蚊

大化有物焉非毛亦非羽其聲用雷霆其勢如風雨雖墜千仞送翔翔勇可賈夜飛而留人不懼爲怨府
其出常以昏畏日在天宅及暮則成市穿窗而洞戶呬膚甚銛鋒遠耳似強挾中人雖微細血肉盜吞吐
喧騰舞以歌縱橫往而復隼皆與虎吻蛇驅與豹股藏毒敢相噬令人生暴怒其形濡且紅其智狠以魯

櫻桃重以繁柳絮輕且舞盤飧爲之腥俎豆因而腐蛟龍雖騰驤猶放波潛伏猛獸固噬搏有時居川陸
惟爾則不然日夜逞兇毒我欲問天心緣何將爾育其命則一載其形則一粟瑱屑過蟻蝨蘊毒甚蛇虺
叢驅刺且擊聒耳歌復哭焦螟生汝睫來往不相觸胡不歸咕囁爲我復仇苦蜻蛉者尤悍豹脚者孔武
西溪有廳吏醉則爲汝肺露筋有貞女不肯爲汝蠱平生事幾何罪惡不可數惟防巴蛇鱗安得葉秋傳
妄傳嘴生花似聽音如鼓濕生營營來腐化多多許肖翹難爲狀乘時利炎暑卓錫喜深入獬豸強莫禦
祇疑聲勢覺恐多齒齟齬於人則宵小於國則和莒翹翹出彼室稍稍入我屋一擒十已竄東逃西復捕
爬搔力欲窮拂掠翅仍舉安得千手目一一將汝囑更尋離朱子目光常如炬使汝天地間騰逃無處所
可笑惠施學雖勞究何補長嘘更短吸民生困難阻妄說力負山大言究堪嘆嘉名錫白鳥彼子不稱服
血國三千餘取利則甚巨吾非沈生愚叱筮優待汝又非吳舍人裸身甘飲茹速去勿煩驅此處非樂土
沉沉翠紗幃聊以固吾圉無待艾烟薰蒙莊緣而拊

門癡蜂增兒課餘頗嗜此戲爰爲詩以張之

高秋天泐寥新涼地爽塏促織雖微虫勇氣方百倍鬚長持金戟皮堅披鐵鎧正可立士氣豈徒驚婦息
拗怒形崢嶸鳴號聲瀟灑善戰式怒蛙觸邪類多綴資生本靈和受形於眞宰門證古有戲已逾千子亥
天寶方殷隆清廟調鼎鼎長安多富人飽醉形如鴈金多身復閒兒戲一而再手持兩金籠肯以千金買
教戰唆訟如戕生豈非罪短臂森長頸同仇儼敵愾折骨總勿驚碎首猶相待孤危更趑趄起鋸牙擺
氣矜固自隆勇決眞可駭但使敵殲旃何辭身俎醢草露正戎戎原田方每每貌擢不能肥力殫不可改

十盪氣益振九死終不悔何必丈二笈何必尺八腰即茲宵翹物亦足爲模楷壯氣撼山岳歡聲騰江海
尤物足移人此語本可采渺焉一微虫嗜之足致敗在昔賈似道其人最驚駭虜馬欲渡江其勢岌岌殆
高據半間堂從容門蟋蟀不聞襄陽砲軒天形覆覆國亡且保身軍敗乃奏凱真有愧此虫纖兒甘自害
果然木棉庵遺與同魚鰕懿公惟好鶴錢昆傳嗜蟹寓物竟爾滯誠哉不可解汝曹宜嗜學此好不可太
天機自活躍至道真無外偶然遣年時高歌聲幽歎但猶養之樂不學伯夷隘物固有深趣否則棄敵躍
此虫實足矜讀書貴十載戈矛何森然甲冑方礪乃不聞蝸角上靈觸將何奈作詩聊遣意薄劣譏汙浼
敢與門鷄詩班聯託寮采

食蟹

青霜豔黃花白波明綠篠其時飲食入非此不自了緘博帶名牝牡殊分曉其內無他腸其外則剛躁
專車不覺大如錢不爲小介十工持戈公子殊窈窕甲若黃金甲肉如白玉皎平生喜橫行將糖彌躁擾
北海有奇族如山互綿森移軍近太乙主帳先有兆紺聲如魚蝦腥黃味羊桃美中暢四肢易象誰能瞭
腹芒朝其魁禮儀公然好捨港之江海嗜慾止於飽孰謂郭索族自然通夫道燒煙鼠晝出敗跡跡如掃
大懼食水莠惟恐有芒稻績折而補碎功用夫豈少六足四足搜獨望獨目考老饕倘一遇大命其難保
口腹本累入防之可不早愁城爲覆隍醉鄉得師導族類海月知失伴石帆覺蹉跎據於沙勃翠橫乎沿
生成虎豹文不畏雷電繞怪面更獐獐長戈何踞踞文采擬鸚鵡風味壓金護壯士爲解顏婦女爲巧笑
輪囷尙縱橫曄曄戀玉片正滿金螯佐清醪畢生興太狂尊前苦別鰕威常敵虎蛇能不恃嘴瓜

嘉名一品膏爲諶何其虐都亭作人語嘗把夢魂攪長卿爲嘲眼文辛正奇矯文君忌一生深情何天紹
佳話傳千秋是誰作獐狻蓋醢爲鹽梅橙椒化蘋藻盞浦水鱗鱗搖江波浩浩媚舌勝蛤蜊風趣殊娥姁
人間五鼎烹天上三辰昂晒蚌至謁朴種類難探討欲尋呂元圖更覓鼉鼉島虎頭誇能飛捕魚說善拗
名位更殊差庸中稱佼佼俊味出常倫尊前爲傾倒愛此白玉臍賞以紅鈎殼麵生好風度糟邱稱至寶
拍浮酒船中高歌對晴昊

甲辰冬十二月于役內蒙古經過達王旗堂自廟寺甚宏崇長句紀遊

黃沙漠漠千里塞如舟倒曳十八灘稱貞縮屋搥東壁饑腸轉轉風辛酸天低野曠數里外荒磧隱約出
朱欄欣然竟爾過初地摩伽陀國伽耶山入門瞥見波羅越腥臊一掃開旂壇番僧導我住精舍紺垣金
地縈香壇吾家入社喜攢眉而吾於此翻開顏鋒車歷落久勞頓小住自可達人觀蒙士正信異吾土莊
嚴佛剎財力殫巍峨殿宇創巨制丈室五百由旬寬金繩縈縈四繚繞法花媚媚難控搏珍樓寶屋森峙
列前有百丈雙剎竿法華導師善幻化其下八部蛟龍蟠闔扇乍啓風肅肅螭跚直上殊愁辱其中象設
太奇古魁形巨狀驚愚頑金花持像勿乃是舍利顆顆盛朱盤長几西列盡文木浮屠森列形變變長甍
縱橫可畝許膜拜稽首如朝班疑是如來種種地珠裝寶錦成螺鬘金剛仡仡甚威猛眉如珠火睛如闢
平生昌黎性倔強低頭至此絕謗訕僧人侈言佛畫好青紅四壁形斑斕疊君鬼伯以萬數相排轟動皆
神奸高樓疏外半剝落僧衆九百同譁囂長筵三丈四人負吹之大海鳴狂瀾頭顱貯水驗眞力脂然燈
海光朱殷龍吟虎吼獅子舞施大力迴天慳或云佞佛太無稽我此道語殊可刊昏衢巨燭妙喜國息

鯨補劍稱玄關俗儒目不見其睫暖姝一義徒嘖嘖真實權應膏參悟形蹤拘累神則閒歸來一室自定
想明朝沃野沙漫漫

蒙古某廟中有大鐵鑊高及簷大可容百石中士人見之將駭爲得未曾有也

鉄鑊高下齊簷楹萬人憂釜聲鏗鎗千筵白席咄嗟辦鼎沸更甚雷喧轟誰以九妙鑄成此定知移來護
世城函牛之鼎有遜色蛟螭鯨鱓甚割烹自從黃帝始造此鑊鑒鑒鑄會殊形鎚鑄鑊數百種助人飲
食功何宏此鑊居然冠儔輩後無繼者前無稱昔讀士衡濟陽記鑊受百斛弗愁盈龍川懸泉更稱異犯
者則有雷霆驚更讀封氏見開記孟嘗以此鑊得名青州佛寺列其二容四十石無虧贏梁武施僧亦倣
此三公定爵殊尊榮我今所見勿乃是亦復可施千百僧魍魎四繞色闇慘飛廉行腹形凌殄雲梯四面
爲求食取龍三日疑凌城上以干石水注入下有干衆分杯羹人人屬壓無顧領幾與天地分功能我聞
神鼎古所傳不炊而沸才孰并玉鉉金耳世所異虛名驚我殊善憑何如此鑊擅容積狄山之肉旋割生
委之千斤似堆俎食之百日無缺傾編萑熬捶更去馱古法今日猶能行十人據耳踞爐火米有雜下驚
雷鳴大哉未免令人畏不設七箸殊世情太山之肉東海酒對之豪興能無增木魚聲聲亮且清番僧足
屈同來迎日支之牛供饗切膳藪膏飫窮湯經安得此鑊救饑饉萬方和齊千人醒舖啜之聲動江海永
甦秦色歌承平

廟外有鐵碌碡大可合抱高丈許覆以高亭上有梵文不能辯識旁銅環四蒙人謂挽之而動則壽
從者十餘人挽之或動或不動余獨挽之三匝賀者相環亦忘其誕而自喜也張之以詩

是何碌碌形輪困萬鈞矗立聲沉沉若非烏獲孰可動勳將絕空酸辛銅嵌梵字字奇古岫巘碑裂雲
雷文摩挲歲月那復記霜雨剝蝕蒙征塵圓明久証恆沙劫得勿天王轉法輪千生六道互存滅森然翊
衛駭如神道芽聖菓亦可見人天鬱伊何由申居然現身作遊戲以茲頑鐵爲殊珍成蘇變海移山芥體
能堅固方成林碌碌旋轉大有旨下比地軸高天鈞僧人示我作旋振謂可証吾清淨身我方凝視氣爲
奪趾蟬撼樹殊同倫無失無漏那可冀萬生埃比方無垠或言精進須勇猛試舒五指作怒瞋果然匪石
竟可轉搔之三匝聲鑾鑾旁人三衆共相美謂我壽考成天民果能彭鏗永樹雉大椿鬱鬱八千春不然
卽學毗窻王有生無死常欣欣從來庸庸多厚福習余固是庸中人卽茲佛力爲推轂靜緣可証非無因
乾坤折托他日事吾曹何必言淳淳歸來但覺意自適狂飈振野方蕭森

光緒二十九年十二月家大人以增制軍檄赴鄭家屯查辦蒙荒事宜初二日起程濟隨侍讀書途

中作

大窪

陰陽催急景此歲亦云暮積雪載於途皚皚迷道路童子亦何知依依得眷顧色笑旣親承寒暖亦手護
途長便默誦何必窮箋註臨行小治任價值中人賦出郊廿里餘山川何錯互蕭條少人烟所見惟荒成
日晚逆旅投爲佳稱小住烹雞無汨餽斟茶非日鑄對食更攢眉塵羹惡草具破窻紙半張敗壁燈一炷
此鄉果何如畢竟難久註臥聽班馬聲鈴鐸如相語

清水台

明發燈在幌起視天尙晦遠行有常期嚴寒已穿鎧披衣衣始著解冠冠未戴開門見羣星隱隱光破碎
此時千萬家沉沉正酣睡豈知逆旅中青霜生馬背畏寒惟瑟縮無所開吾喙登車十里行隣家聞犬吠
天光漸啓白山容如歛黛路滑容容軌往往進爲退暮低清水台旅舍殊可愛豈惟能容足兼之去荒穢
廣垣何豁然客卿數百輩廟小祀何神碑石知幾代浮屠如半針卓立有餘態須臾張飲具花豬佐新菜
方當對懽愉無憂身我外加餐慰親心此話殊可佩明日又長征烟沙增感慨

范家屯

人烟莽蕭瑟平沙浩崩奔墟落一何僻隱隱露一村日出噪鳥雀草平散雞豚范家果何家即此名斯屯
茅屋三兩間打頭無離藩執粗不臧覺黔突烟爲昏園蔬似珍羞雋味殊可人豈知顛領餘那更容紛紜
亭午後驅車浩蕩窮川原

高力站

水宿後風餐千巖間萬壑車中食糗糒客舍飯藜藿遠望樹成觀幾疑是城郭安得入小市三杯救饑渴
豈知幻想餘成倒天爲破一村樹蒼然萬家出燈火可以停車騎無心驚鳥雀入門何豁然空堂列几閣
客中得此境真耐人久坐須臾張飲具濁酒情頭過雞豚山家味歌呼遊子樂忘却明朝行揮毫成醉墨

孫家台

前途扶餘城人云十八里車殆馬已煩小憩斯可矣馬得棧豆芻人飽撐腸米湖風撼窗樞隱隱聲起
薄雪刺人面慘慘如劍戟清河近其前渡凍長風起白塔出烟中如高人佇立回憶五年遊浩歌聲不止

昌圖府

地名古榆城歷歷多白榆枝條入寒雲萬竅如號呼嘻嘻笑語言間雜吹笙等六街頗廣平足以雄邊區
因憶五年前劫運滔滔徂黃巾肆妖亂白挺紛枝梧紅燈萬瓦明碧血縈縹糊兢言庚申守人信壬癸符
中原欲沉淪嬉堂憐羣兒我時亦隨侍客此胡爲乎過歸幸得達烽火連天隅於今又後來風景猶不殊
人世浩茫茫天風吹枯蘆

知府福君 與家大人爲舊交見訪旅舍

太守何人斯實爲滑稽雄容貌有足駭心跡原非庸舉止務詭異談笑真生風傍人束衣冠睨睨穠激中
君胡獨不然跳盪如臨戎不肯沒階趨銅鞮錄躬咍唔更咤叱嬉笑去禮容居然行無事所向無不通
何必署下考臥閣堪稱功就謂風塵更能狂有次公

金君星濤在地局張飲食頗豐潔詩以記之

主人清興發俗例全除獨傳箋相延佇精室張華筵竭來至邊城七箸愁腥羶入門頗攢眉大似陶公然
豈知出意外萬事如此焉虛廊既曲曲風物尤娟娟一鶴作清唳舉翼如騰鸞荒城那見此相對於神仙
亦復列鼎彝几度商周前客中得此境積悵聊一宣設食更精絕爲送酒如泉區區笑何曾下箸誇萬錢
豈知一片趙殊勝千熬煎雕籠苦羣鵠善鬥差輕便相搏復相啄氣不愁烏鳶軒然掉虫臂爭欲拆老拳
餘興聊一快拇戰爭喧闐歸來月華流繁星明誌天

興隆泉

朔風迎面來重裘薄於紙荒林耿烟逆旅勿乃是水引頗稱佳潔白滑如髓且喜醉飽餘冗冗凭素几
鷺鷥樹

鷺鷥渺何許所見惟荒林木落山峭峭寒鳥鳴悒悒小駟惟所言神駿超嶺岑權爲支公賞忍俊真不禁

八面城

名城竟八面一面亦烏有野闊多寒廳窗破見星斗傳聞衆萑苻絨膝難因守支線得相借聲威緝羣醜

富家屯

村名竟以富竟爾得其反敗壁寒無氈燈光耿一線健兒好身手升室誇遠見差喜寇犯過安然得一飯

宋家店

積雪沒馬腹塵冰張車輪行李以一展挾纜皆無溫夜闌耿不寐直身成曲身且喜聽荒鷄朝日入金盆

鄭家屯

荒途久寂寥何幸得城市貨別隱亦分市塵爲列齒氈裘時往來風俗頗醇美北望息風沙一氣清如水

正月初三日侍家大人赴達王旗

博也好心

出關何所有向多空闊還思夜踏邊更欲絕大漠胡羊惟有氈佐佐以冰酪金樽列綺筵回首還成昨

合拉海

行囊攜旨著居然可禦冬雞豚芳而潔寒燠青以紅馥馥剪金菲俊味誇春葱自詭飲食人稱雄氈毳中

道卜屯

黃沙何漠漠千里無人烟獸蹄與鳥迹尋覓猶覺難長風撼兩耳鄧艾難裹覆目力遠無遮四圍圓復圓

回屯招

荒沙何所便身手易爲強策馬絕塵馳騁亦無所傷舉槌擊狡免金弧矢天狼狐裘汗透漬何畏天風涼

布渾招

日暮渺茫茫但見半天赤陰風萬里來其銳如弓矢半椽聊得託安危寧敢擇言語不通相對但錯愕

滿洲營子

屯名頗清聊音與漢爲近居室亦光明梅檀香霧潤咒水列頭顱相對猶懷懷出門何所之朔風方淒緊

毛度營子

蒙官何所名其官名梅機佛室頗莊嚴小屋儼九楹明熹傳善造乾清爲模型此製勿乃是萬戶何玲瓏

唐裕廟

遙見雙刹竿其上拂層霄又門瞻佛畫萬怪紛騰逃但聽梵唄湧洶洶如靈潮迴廊聊一眺矐矐寒日高

毛道營子

荒沙列室廬殊難尋半椽解客饑以渾坐客寒以氈儼然太古風何必誇盤飧從騎嚼短草野燒光朱殷

德恨格莊

其人大睢埜不識葱韭味試與之羹豕頷首稱者再混沌未曾鑿難得此蒙昧何似中原人湖山歌舞醉

札蘭屯

一室頗高曠几列金浮圖鈴鐸如相語獅象如相呼稽首更膜拜皈依非吾徒出門心悄然但見寒雲孤

岔布圖

蒙人無場圃牛羊爲蔬菜積骨邱山如其肉已餒敗牛矢與馬通烟若得香靄誰知蒸染餘膏之自無害

溫德毛頭

所寓得瓦屋聞者以爲美佛室自惜惜香花猶瀟灑平生蔬筍氣至此艱一飯攢眉入社來靖節堪爲伴

隨侍 家大人訪蒙王

荒原無一樹至此樹成觀翠影尙翳然紅欄出天半豐堂與廣宇其勢頗浩沔綺疏明頗黎鼎彝殊可玩
騶從散列騎蹴踏寒雪亂下馬始入門爐火薰和暖門外有侍從長跽應已慣視吾座上賓能相相豔羨
言語誰不達意摯殊可感朱題贈數流駿馬潔如棘歸途興更豪合圍南山畔

馬遜園先生自瑩生壙徵題爲賦長句

由來靜寂通禪觀生滅恍惚同夜旦達人于此杜德機浮世寧復堪把玩遜園寥廓非常人早歲弘思通
靜算華宗澄粹廩奇姿除苛解嬈梳紛亂殊勳特受節帥知清聰屢爲覲瀛贊折衝尊俎虜氣奪樵運平
亭民稱便功成身退道則然散髮斜簪一笑粲偶然拓地濱江側抱甕便學於陵灌七七花開風露新三
三徑闢雲霞荷水爲智懷正活潑仁爲山悅常清宴平疇且喜交遠風晚稼豐收功斯半餘事且學司空
圖直以死生爲一貫預卜爲窠偏希于飲宴鼓吹應師范長室繭室昔所云玄台化台堪覆按寂君復真